

海上見聞錄定本

海上見聞錄定本卷下

鷺島遺初夢庵輯

癸卯康熙二年

正月世藩駐思明州時洪旭守思明鄭泰守金門黃
廷守銅山世藩得鄭泰與黃昭往來書欲襲取之
泰不自安稱病不來見

三月命周全斌督船入海澄港取糧欲襲金門見其
有備乃止

四月叅軍陳永華謀以世藩將回東寧而謀鄭泰為
居守戶官統轄諸鎮資其餉給兵鑄居守戶官印

遣協理吳慎齋至金門恭遣其弟鳴駿入謝世藩
慰諭之見陳永華情款甚密鳴駿回力勸其行泰
遂六月初六日帶兵舡并餉銀十萬至思明是晚
入城赴席世藩以其前通書黃昭面質之遂交與
洪旭監留周全斌率兵并其船獨蔡璋一船走脫
天未明至金門鳴駿倉卒與泰之子縉緒率諸將
及兵丁暮口下船入泉州港向總督李率泰投誠
船凡二百餘歸兵八千餘人全斌等追之不及後
京中封鳴駿為遵義侯縉緒為慕思伯文武官班
賞叙用有差

初十日鄭泰見其子弟家眷兵衆皆入泉州港遂自
盡而死

七月以黃而輝為思明州知州而輝黃廷之子

八月黃廷自銅山入見世藩慰諭之

自鄭鳴駿入泉州人心解散鎮營多叛右武衛楊
富左武衛何精義忠伯陳輝等文官叅軍蔡鳴雷
礼官都事陳彭等皆先後投誠

九月紅夷糾集甲版船十六隻夷兵數千會靖南王
李總督約同攻兩島候事定之日欲求語嶼禁城
貿易如廣東香山澳例後准納貢入市李總督遂

謀于島

十月調兵陸路提督馬得功督鄭鳴駿以船數百艘
出泉州港水師提督施琅同海澄公黃梧出海澄
港靖南王耿繼茂同荷蘭國紅夷扎營同安港之
劉五店至期下船渡海守高崎正兵鎮陳昇先約
降

十一月世藩率黃廷周全斌等會船于金門海夷船
高而且大一船有大小煩銃千餘器橫截中流為
清船藩敵是日炮聲如擂鼓旌辰至酉相續不絕
不啻如雷聲霹靂世藩見夷船多炮衆寡不敵乘

潮漸，退出浯嶼。周全斌等十三歸船，在浚迫于
潮長，不得出。遂直達夷船之後，衝大鯨而入。夷船
發煩，齊擊無一中者。馮得功坐鳴駿中軍船，全斌
誤以為鳴駿也。直前攻之。黃廷中軍將吳朝寧世
藩親軍將蕭秉龍前浚夾攻。揮兵過船，得功親隨
鉄甲精兵三百人，皆被殺。下水得功頓足自投水
而死。再攻楊審一船，焚之。楊富投水，遇小艇救之。
得免。所遇之船多被攻沒。遂揚帆直出。日暮收兵
海上，不知馮得功之死也。黃廷議欲再守數日。周
全斌以為船多被夷炮損壞，不如退守銅山。遂棄

兩島而去

先是李總督給示准島中百姓過界思明州知州黃而輝設世藩准島民渡海令下三日而永華渡啟世藩禁之至是清兵入島遺民尚數十萬多遭兵刃男婦係累童稚成群若驅犬羊連日不絕而投誠兵搜掠財物發掘塚墓至剽建國公鄭彩之棺而殘其屍墮城焚屋斬刈樹木遂空其地而嘉禾銜人種之識應焉

十二月世藩至銅山衆心離散鎮營多叛而兩島之舊將殘兵官員紳士無船可渡海者或投誠或逃遁

流離失所元亡殆盡矣

甲辰康熙三年

正月世藩駐銅山諸軍乏糧周全斌欲襲洪旭而併其船洪旭亦防之值海風大作船各飄開全斌遂率其衆入漳投誠凌封承恩伯而洪旭以杜輝守南灣輝亦掠其輜重投誠

三月世藩同馮錫範陳永華等率餘衆回東寧工官馮澄世一船為其家丁所迫自投海中而死洪旭以二十舟候黃廷同行時黃廷部下兵將多不願行議欲使其子而輝率塔吳朝等率衆投誠而自

已帶家眷與洪旭往東寧遣黃梧遣陳克竣來招
降黃廷遂入漳授誠後封慕義伯洪自往東寧

八月李率恭上疏議取臺灣京中以水師提督施琅
掛靖海將軍印總督授誠將周全斌副之整舟師
數百歸候風開洋

乙巳康熙四年

四月靖海將軍施琅等出洋未至澎湖港颶風大作
各船飄散不能相顧皆引還未幾召施琅入京加
伯銜為內大臣歸旗其餘降將亦多以總鎮副將
補

丙午康熙五年

丁未康熙六年

部議分撥海上投誠官兵移住外省先撥慕義伯黃廷駐河南鄧州隨召沐恩伯周全斌入京遵義侯鄭鳴駿病故其子縉成襲侯慕恩伯鄭縉緒病故其子修典襲伯皆召入京師歸旗其標下官兵及別鎮兵各給行糧分駐于浙江、南江西湖廣河南山東山西四川諸_省屯墾荒田給其牛種免其六年租稅將領或督墾或撥在督撫提鎮等衙門効勞文官赴部候補

戊申康熙七年

己酉康熙八年

世藩在東寧以陳永華理國政馮錫范管侍衛劉國軒等管兵忠振伯洪旭病故其子洪磊及永華之姪陳絕武等皆任用

改天興萬年二縣為州置鳳山諸羅二縣課耕種通魚鹽安撫土番貿易外國向之憚行者今喜為樂土焉

浙江授誠摯孔元璋請住臺灣招撫京中遣大臣明珠蔡毓榮至泉州加興化府知府慕天顏卿銜同

渡海往議世藩遣柯平葉亨到泉州議照朝鮮例
稱臣奉貢不剃髮不登岸議竟不成而數年之間
海上亦相安無事

庚戌康熙九年

辛亥康熙十年

壬子康熙十一年

癸丑康熙十二年

十一月吳三桂舉兵反遂陷滇貴四川河南岳州諸
郡縣稱大周元年

初平南王尚可喜疏請歸老遼東而留其子安遠

公之信襲鎮廣東朝議許之并令舉家歸旗平西
靖南相繼疏請俱可報至是平西反乃命二王仍
留駐鎮

時耿繼茂已死耿精忠襲王時三王交通逆命雖
沒停留而反謀決矣

甲寅康熙十三年

三月十五日耿王傳各官入府議事總督范承謨巡
撫劉秉政至伏甲執之知府王之儀建寧同知喻
三畏走出被殺范承謨被拘以劉秉政為統制使
鄉官蕭震為布政司自稱總統兵馬上將軍移檄

各府縣俱望風而降

十九日耿王檄至泉州提督王進功是夜縱諸將焚劫燒南街西街樵樓殺掠到晚紳庶無遺傳檄各屬縣皆降興化鎮馬惟興劫興化守備郭維藩劫惠安獨同安城守張學堯晉江水師營李尚文所部無犯耿王再遣通事黃鏞至臺灣初耿王將拒命遣鏞通世藩請師為救援至是又遣鏞見世藩請以舟師由海上出江南而已統陸師出浙江鏞回言海上船不滿百兵不滿萬耿王始輕之耿王以黃格為平和公格病疽受印不數日疽壞

而死其子黃芳度襲封管其兵

駐漳海道陳啟泰黨于范承謨與耿王有隙至是先
殺家屬十餘人乃自縊陳為官則甚貧于死則甚

烈

漳浦鎮陳炎海澄鎮趙得勝俱降耿福寧鎮吳萬福
貪魁失將士心謀拒耿衆不從耿王遣都尉曾養
性督兵至萬福出降誘殺之養性等乘勝長驅平
陽總鎮蔡朝佐降溫府處二府皆下

四月潮州總鎮劉進忠降耿密請耿全劉炎率兵會
之夜攻同安城績順公沈瑞併其兵耿王台王進

功至福州留之徵其兵

世藩遣協理禮官柯平至福州報命時耿聲勢已振
謾應曰世藩未甚善各分地自戰可也由是兵端
遂起

世藩侍衛馮錫范鎮將劉圓軒率舟數十兵數千
先至廈門

耿王檄諸路兵出閩黃芳度遣黃翼帶兵千餘人
應命趙得勝不從與馮錫范陰約以海澄歸命于
世藩隨將兵進次同安王進功之人省也耿王調
張學克鎮泉州以化尚蘭代守同安世藩兵至尚

蘭迎降獲學克家眷學克開內變趨回施福引之
俱降世藩

五月世藩至思明州以趙得勝為左提督封興明伯
張學克為左先鋒鎮化尚蘭為仁武鎮遣人至耿
王處議撥船及地方安插兵丁耿王不答又禁買
船料貨物遂成仇隙至是耿王聞同安之失乃遣
王進率部卒千人入鎮泉州王進歸王老虎原為
漳州副將時提標五營兵將不肯應調王進至與
城守賴玉相結納用提標守備戴國用為爪牙勒
王進功家眷入省耿王復遣兵接應兵將至進功

之子錫藩與其屬楊青等議先發以制之

六月初一日以提督大人之命召諸將議事誘賴玉戴國用李尚文等執之率兵攻王進下走登塗門樓意氣自若提標兵無統帥相持竟日進恐海船至更深整隊出城而去

初三日錫藩等殺賴玉分其屍

初四日絞殺戴國用釋李尚文迎世藩入城以藩為指揮使暫理提督軍務

黃芳度襲殺漳州守劉豹，耿王所署也世藩遣人諭之芳度遂降封德化公授前提督漳屬錢

稂聽其微給芳度終不自安差人間道齋密既入
京

七月平南王遣兵圍劉進忠于潮州耿王不能援進
忠求救于海上世藩遣援勅凌鎮金漢臣率舟師
援之以進忠為右提督封定虜伯

九月耿王以步騎三萬遣王進攻泉州鼓行至惠安
肆行焚掠世藩命劉國軒督堵鎮并統五營兵禦
之對壘逾旬進退七楓亭列營二十餘里

十月國軒兵至塗嶺嚴陣會戰王進見前陣皆新募
之兵直前擊之兵皆怯法死戰國軒全許耀分兵

襲其後焚其營盤進兵大敗國軒追至興化城外
三日夜而還

十一月周吳三桂前遣禮曹錢點來聘值鄭耿二家
交兵回報復遣禮曹員外周文驥來和解

劉炎在漳浦不降世藩密請援于耿王耿遣兵會
之至平和世藩檄黃芳度擊走之耿王復其親軍
都慰徐鴻弼自間道入漳浦世藩以馮錫藩趙得
勝督諸軍攻之鴻弼劉炎會雲霄鎮劉成龍合兵
戰于羅山右虎衛何祐揮軍擊之鴻弼等大敗走
回城馮錫范以紅夷衛大炮擊入城中劉炎等大

俱同鴻弼成龍俱出降

十二月趙得勝督軍援潮州與平南王兵戰于黃岡大破走之潮圍始解初進忠被圍金漢臣一軍盡殲為進忠極力守禦將及半載至是廣兵燒營而遁世藩分設六官名曰協理洪磊為吏官楊英為戶官鄭斌為禮官柯平為刑官楊賢為工官兵官缺置六科都事都吏察言司承宣司賓客等司陳永革為總制留守兼管勇衛馮錫范為侍衛二衛皆親軍薛進忠為左武衛劉國軒為右武衛何祐為右虎衛以施福為五軍其左右先鋒及諸鎮營

皆聽五提督調遣凡文武事宜皆替畫參軍陳繩
武侍衛馮錫范主之

初世藩之來思明州也兵餉取給于東寧洪磊承
其父洪旭遺命助餉銀十萬兩至是兵衆餉多轉
運不給乃以六官督比民紳士富民以充之以鄭
省英為宣慰使總理各府縣錢糧百姓年十六以
上六十以下每人月納銀五分名曰毛丁船計丈
尺納稅名曰樑頭及設各府鹽引分管鹽場以給
兵食

乙卯 康熙十四年

正月耿王遣張文韶來賀正議和送船五隻世藩遣
禮官鄭斌報使約以楓亭為界自是鄭耿交好

二月永春馮眺峯寨民呂華不服傲派薛進忠圍之
三個月不下知縣鄭時英諭之出降釘殺之家族
發淡水充軍

績順公沈瑞駐饒平劉進忠攻之不克廣兵來援何
祐過之于百子橋破走之瑞出降改封懷安公傳
流洪經畧承時脆姪士昌天倫天思及眷口于東
寧之狼嶠法公論也流前進士楊明琅及眷口于
狼嶠以其過崇禎帝梓宮不下馬父修南安縣誌

以海上為海寇也後皆死于流所知南安縣事劉祐有云洪經畧未必盡是鄭國姓亦未必盡非世藩悅其言召已逃回籍矣

五月劉進忠請大師南下許之

初六日世藩入海澄遣斌入漳慰諭黃苦度或束兵入見或率兵隨征苦度終不受命密調回黃翼出閩之兵耿王移檄召之亦以疾辭世

城之許

劉國軒率諸鎮兵至潮與進忠規取屬縣之未附者安達公尚之信悉力守禦相持日久糧乏兵病

之信調十餘萬盡銳來攻國軒自新墟寨一日一夜退至贊母山以餘糧露載車上宣慰使洪岳懸金以賞有功軍心稍定進忠與國軒議曰之信大兵必從小路而來出我不意洎得勁將扼之惟何祐可任然不可言其故恐其心怯于可嚴陣以待而予將騎兵背城以為應援國軒從之是夜見大路上敵營火光點，進忠令放大炮擊之見火光不動進忠曰是空營也我兵可安寢以待攻日之信率兵從小路而來何祐見大隊突至欲退不可冒死奮勇極力擊之無不以一當百之信大敗退

走國軒等窮日夜追之殺死不計其數是後也以
飢卒數千破敵兵數萬由是何祐之名振于粵東
祐綽號何錐子

六月世藩自海澄移檄萬松關黃芳度令其下俱剃
髮據守遣其兄芳泰入粵請授世藩進攻不利援
勦凌鎮萬宏登梯中炮死乃築長垣圍之調何祐
堤潮州先攻平和縣守將賴陞降諸屬縣皆下

十月海澄公標將吳淑以漳州降

初淑投清屬公標黃梧待之厚將死呼淑托曰吾
兒年少君可保全之及城被困日久潛謂其弟潛

曰我本海上舊將公雖待我厚我自罪于先藩寔
深今世藩待我眷族恩尤有加豈可及圖逆命遂
以初六日開城大兵入芳度倉皇投開元寺井而
死獲其將黃翼蔡龍朱武張濟戴麟陳驥黃瑄等
皆斬之沒其家剖黃梧棺戮屍斬首及芳度首揭
以徇衆有議發梧祖塚者世藩曰罪止其身于先
世者何與不許

凌清贈芳度為忠勇王時芳恭往粵求援會其兄
芳世由汀州至永定亦以是日破定縣開漳州降
乃大掠而遁世藩以足淑為沒提督吳潛為戎旗

二鎮

十一月令龔淳往日本取回鄭泰所寄之銀淳乃泰
委寄之人并執有票可據先是兩家紛爭夷人皆
不肯與至是夷人混開支銷銀凡四十五萬僅得
二十六萬而回

丙辰康熙十五年

正月以右虎衛許耀前衛鎮洪羽等率師會在潮諸
軍攻取廣東州郡

二月平南王昏病日甚會周師克肇慶韶州等處廣
州人自危駐潮諸軍聞報燒營遁回到國軒劉

進忠何祐等分南北兩路而進碣石鎮西之秀軍
程卿其妻在汎遣人迎降仍勸之秀納降款世藩
許其回鎮碣石國軒等水陸竝進圍惠州攻博羅
不下旋下長樂新安龍門等縣之信窮蹙遂乞降
于周、封之信為轉德公令其讓惠州于海上之
信檄提督嚴明撤守兵回廣遣使餽弓馬幣帛通
好召以國軒鎮惠州東莞守將張國勛亦降以為
凌勁鎮自是與周公界而守

五月耿王調汀州鎮劉應麟兵出閩麟不從密來通
款乃遣兵淑提兵馳書與耿王言欲假道汀州以

出江右耿王遣兵防城應麟惧其圍已率所部州
掠瑞金石城吳淑兵至應麟與謀攻城下之以應
麟為提督

七月調劉進忠出師進忠稱疾不行進忠自潮州定
後未見世藩待之禮意殊畧見左右用事者皆碌
碌知不足與有為及假汀州嘆為失計至興寧與
諸將不協流言日起遂稱疾回潮陰為自守之計
九月耿王師出浙江者為總督李之芳所扼多被摧
敗京中遣康親王提兵乘機入閩兵出江西者總
督蔡毓榮及滿州兵移駐兵拒之失廣信棄建昌

大勢已潰又聞汀州已破益憂內顧諸將遂密謀詐作耿王投誠獻閔耿王聞變收王進范承謨蕭震紋殺之欲乘船奔海為都尉徐文耀所脅不得出城遣王進功回泉取救兵密囑曰吾忍死以待也延平已失不得已于十九日剃髮迎康親王入福州凌耿王入京與徐文耀及諸將領皆伏誅興化守將馬成龍以城來降令許耀率兵赴之

十月令許耀督諸軍進取福州駐師烏龍江許耀驕從諸將不服飲酒嬉戲無他謀畧清來渡江有議于平渡擊之不聽既登岸倉皇出戰前鋒死聞

不能分兵救援及少却又不殿凌引兵先走委棄
輜重器械不可勝計乃遣趙得勝何祐屯興化以
禦清兵

耿王檄曾養性等自温州航海回閩朱大貴以舟
師來降其餘逃入福州奇兵鎮黃應選擊之獲巨
船數千艘

十一月邵武守將獻欵于吳淑，赴之移兵據守
十二月清兵至邵武吳淑禦之時大雪嚴寒諸軍
涉溪拒戰皆凍壞不能走遂棄邵武退劄汀州
清兵進至建寧縣薛進思守汀聞之驚惧失措劄

應麟顧傾貲餉兵固守進思猜疑不從棄城而走
應麟奔潮州依劉進忠發憤病死

平南王尚可喜于九月病故之信遂遣使報訃并請
其妹奔喪妹沈瑞叔母也許之并遣使弔喪周封
之信為轉德親王

丁巳康熙十六年

正月 清兵至興化時諸軍銳氣已喪何祐又與得
勝不睦得勝出戰何祐坐視得勝力戰而死何祐
奔回泉州

二月初九日 清兵至泉州守將林定無備城破標

將林孟參宿營謝貴元之林定素與民相安近于
民間削髮走免諸軍潰散

十九日 清兵至漳世藩倉皇登舟至海澄棄而不
守至廈門欲回東寧百姓歸江攀留角宿營吳桂
整兵防守衆賴以安繼而餘衆稍集乃遣水師防
衛分汛而守

蔡趙得勝親臨哭之斬薛進思原姓名裴德許耀綢
責耀病劇痢不數日死何祐吳淑戴罪自効

遣諸將家眷撤回東寧王進功沈瑞張學堯等陸
續起程劉炎以母老病至外洋勒兵劫船乘風下

碣石衛依黃之秀後歸清至京流徙寧古塔

三月時諸將追集思明兵餉不給乃分汎南北地方
措餉召募以前虎衛林陞等水師樓船中鎮蕭琛
等駐骨陽政定海福寧一帶地方以後提督吳淑
楊威前鎮陳昌戎旗一鎮林應奇兵鎮黃應等駐
同安至潮陽揭陽一帶地方

三月漳浦巫者朱寅挾左道詭稱三太子聚集海上
殘兵率二百餘人于十九夜襲泉州攀堞而入鳴
鼓揚旗逆開元寺前至西街守兵以為海兵復至
乃於雙門前發一大炮寅乃抽回出城而去人以

為神附者日衆屢，皆勝蔓延於漳泉屬縣凡深
山窮谷岩寨無所不到派糧以食頭裹白布時人
謂之白頭賊

六月劉進忠擁兵觀望世藩遣戶官至潮徵餉不應
買運又閉糧獻疑於周至是歸 清後召至京殛
死

劉國軒在惠州尚之信歸 清孤城難守世藩遣
水師迎之乃率所部航而歸

清以黃芳世襲封海澄公授汀漳總鎮公標守脩黃
監授海澄總鎮芳世請兼水師提督許之芳世至

閩驕傲專用北兵人心不附

周將韓大任據守吉安清兵圍之經年無拔乃造小舟於城內乘夜以繩引舟截江渡兵潰圍走入閩界欲下海有信未通十月世藩遣何祐等至南靖小溪投兵吳淑等至長泰扎天成寨以選應之大任竟以糧盡就國省投誠

凌大任歸旗逆大兵征噶爾旦樹障而死

十二月清兵圍吳淑于天成寨朱寅率衆來援吳淑突圍而出

康熙王遣漳泉二府知府同泉紳黃志美等照朝鮮

例來議撫海上不送亦無報使

戊午康熙十七年

正月泉州提標兵巡界駐日潮水師四營陳陞擊之
大為所敗標兵乘勝侵掠東石等處

二月以劉國軒為中提督總督諸軍後提督吳淑為
副

初十日國軒督軍至海澄攻玉川 清守將劉宗隆
徇三人河福游皆下

十八日進取江東橋 清守將王重祿呂翰等奔潰
遂燒新橋梁以絕漳泉大路漳州援兵至國軒分

兵擊敗之三戰三捷軍鼓大振二十三夜取石碼
獲清守將劉楊朝宗遂軍于祖山頭以逼海澄
清副都統孟安符自潮來援國軒退屯石碼築垣
拒守仍分兵屯漳州郭外清提督既應舉自泉州
來寧海將軍喇哈軒達自福州來平南將軍賴哈
爾自潮州來先後應援國軒倏水倏陸滿漢疲于奔
命三月初一日國軒列陣郡東赤宿清兵背城迎
戰前虎衛林陞一軍當其鋒殺傷相當朱寅率兵
按天寶山以牽漳兵之勢黃芳世擊敗之寅遁入
長泰

國軒樹柵雙橋一帶離漳數里滿漢諸將會議以
一隊同黃芳世扎水頭小灣腰樹一隊扎鎮門安
炮以斷其往來水路國軒偵知于一日黎明焚營
徹兵漳兵意其遁也少頃舉帆直抵水頭登岬涉
嶺進戰芳世素不知兵又與漢將不協吳淑攻之
戰敗墜馬遇救得免走入漳城病月餘死自水頭
之敗海澄餉道阻絕段應舉會綠旗兵及滿州將
軍兵數萬列營祖山頭十八日下午國軒兵至應
舉揮兵迎敵何祐以却江勝吳淑等統出租山之
背國軒督勁率登山衝滿州營滿兵敗走衆大潰

國軒又以逆兵截漳州大路滿漢兵棄輜重自相踐踏奔入海澄國軒夜令軍士鑿塹一人一火引江水環城繞之外又鑿溝數里沒沿堤兩岸安銃守之由是內外阻絕

是月初三日吳三桂稱歸于衡州以周為國歸改元昭武

四月 朝命召總督卽廷佐入京以布政司姚啟聖代之勒廵撫楊熙致仕以按察使吳興祚代之調江南提督楊捷代段應舉援兵四集屯筆架山以救海澄

五月劉國軒以筆架山南小寨懸崖狀如掛燈俗呼
燈火寨下臨大溪順流可通海澄問誰可扼守吳
淑請往棄夜率兵進寨天明寨柵完備初十日酉
時滿營發炮攻擊連夜不絕淑令畢士穴地藏身
無死傷者馳報國軒以為乘夜發炮意不在寨當
別防之信至滿漢兵齊至祖山岳領破林彪張鳳
二營鳳戰死進攻林陞營國軒援兵至姚啟聖之
子姚儀統韓文任降兵以牛戴土囊填溝至第三
重國軒發大炮齊擊之死者無數漢滿兵多填于
壑遂退時京中上諭有能救海澄及城中兵將

有能拔圍而出者皆重賞。蔡國軒鑿壑通潮，圍至數重，不可沒救矣。

六月初十日，國軒攻入海澄城，以應舉穆伯希、佛自縊，黃藍不知所終，獲孟安馬、虎等，滿漢官三十餘員，皆釋之。授官給俸，滿兵千餘，遣之東寧。時城中滿甲二千，馬八千餘，足綵旗，兵城守，兵計二萬餘，圍八十三日，糧盡，殺馬而食，馬盡，骨馬骨食之，死七及泗水而出者，過半。閩省震恐，諸援兵退守漳郡。朱寅下海封為蕩虜將軍，改名蔡明義。歲餘，病死。國軒議乘虛以泉州令吳淑分兵下長泰縣，國

軒兵至同安都統雅大里走回泉州擒鄉總兵黃朝先斬之與何祐江欽楊德十數騎離隊伍先行至泉城循清源山于東嶽相視營地城中兵不敢出久之隊伍始至扎空營于平地城中兵終不敢出

七月國軒水陸並進江欽攻南安殺守將諸縣守兵相繼棄城逃走遂取南門橋銳城戴龍煩及大銃數十師攻南門城，崩壞四十餘丈盡為平地城內再築矩牆以守清城守馬勝等以釘，裝船板鋪于地上兵入城無陣足處損傷甚多會天大雨

城竟不拔。圓泉兩月。獲兵四至。將軍喇哈達從。漳
平間道出安漢。巡撫吳興祚同游浙江。右提督由
白鴿嶺出永春。提督楊捷由廣橋進河市。會合來
南安。皆未敢向前。清提督調水師林賢、黃錫等出
閩安鎮。遂為聲援。

八月。水師鎮總督蕭琛守定海。林賢等舟師至。琛戰
船不先期。整頓議以舟寡。且小。欲據上流牽制之。
水師五鎮。章元鎮欲先發制人。率所部十舟進戰。
林賢等擊之。衆寡不敵。阻風。遂沉一軍。盡沒。被擒
入福省。殺之。琛不防。倭遇敵。大清退泊海山。遂安。

報福州水師兵大至世藩遂令劉國軒退兵以守
思明國軒于二十四日退兵下船隔三日城中兵
始敢出世藩召回蕭琛斬之以援勅左鎮陳諒後
鎮陳起明督朱天貴等水軍防禦北船

周王吳三桂病死衡州孫世藩立其姪應奇守岳
州驕而貪清兵攻之棄岳州遁回于是雲南湖
廣皆不守遂亡

九月劉國軒入江東橋至長恭滿漢兵過之皆披靡
乘勝長驅至取精忠營衝之馬中炮掀國軒墜地
有滿州披甲前蒙國軒放回遇之以騎授國軒姑

走免滿州主將詢知起而殺之國軒出江東守漢
河列營觀音山與滿漢兵軍壘相望

十月時漳泉屬縣盡棄惟據守海澄姚啟聖等難于
復命乃遣人來議息兵安民意欲得海澄也海上
竟不從

十二月再議邊界甲寅之變州省邊民悉復故土丙
辰八閩已復康熙王疏稱邊界累民罷之至是督
撫請再邊從之

己未康熙十八年

正月時雖設界而海沘往來內地派糧如故 清朝

乃議上自福寧下及詔安三十里量地窄要築小寨安守兵限以界牆由是瀕海數十里無復人煙先是思明州民每月每戶輸米一斗自二月起每戶再加一斗劉國軒請停文武俸自出糧餉兵三月從之

三月姚啟聖以果堂寨迫近江東橋欲發兵據守國軒偵知同吳淑發兵入據其寨漳兵至擊走之

自定海失守以朱天貴守海壇陳諒為水師總督于廿九早各船乘南風迅發進泊定海福州集船百餘歸由五虎門而出陳起明朱天貴率煩船衝

艘而入擊破十餘船獲大烏船一隻值大風暴起
福船收八五號海船收泊海壇

四月陳永華啟請長子克塽為監國時年十六歸曰

監國世孫

六月鄭時英駐東石督餉時禁界鹽貴居人多私來
東石販鹽時英獻策欲掘沿海鹽埕則利盡歸于
我世藩乃檄林陞令楊忠率兵往浚尾掘南北場
鹽埕忠至深危舍舟登岬連掘兩日夜兵不就船
竿頭守將密請泉城大隊兵亟四面合攻忠力戰
不支中炮歿于海餘衆死傷逃亡過半界禁既嚴

私販亦絕

七月國軒築潯尾寨一夜而成同安守將兵至擊走之復築沔洲城由是同港八槳船不敢出

京中以萬正色為福建水師提督正色晉江人歸誠任叅將以四川朝天關功陞岳州水師總鎮湖南平遂推是任

八月初耿王之變漳浦人江機與楊一豹同時聚眾于江右依耿王攻清兵克浚江西招降不從攻之不能克據皇禁山攻掠村社至是通款于海世藩授為征夷將軍是率眾入閩建寧守將劉起龍禦

之陣傷敗四而死機足跛歸拐子一豹清年壯勇
後投誠遂流寧古塔

九月右武衛林陞汎守東古取給軍餉及楊忠敗兀
林陞調兵隨征僅以散卒三百餘人委施廷陳申
守寨時有數卒入泉城報知城中發馬步數千於
廿五日四面環攻施廷被劉陳申戰兀寨破兵民
赴海死者無數清兵仍築三寨犄角以守

十月國軒離漳城五里而軍時援漳滿漢兵共十餘
萬國軒兵亦有萬餘營壘咫尺相望指揮自如諸
軍畏之如虎國軒以果堂扼要重地初八日率兵

就果堂復版尾地方再築一寨初九日工未就滿

漢將軍提督集兵致萬齊至銳不可當國軒與吳

淑何祐林陞江欽又名江林不滿二千兵奮勇死

關日午至申衝擊殺壘圍軒成依寨且守且戰每

次炮發無不披靡陣斬章京巴石兒等其餘帶傷

以數千計始引回自是氣奪兵不敢出國軒時縱

率數百人皆持鹿銃間以鳥鎗渡河衝擊身登土

阜據胡床張蓋而觀之滿漢兵過之無不摧破皆

堅壘貞守不暇又善用間謀謀敵人情狀纖悉必

知時謂之劉恠子

姚啟聖遣人至海上議息兵又說國軒罷兵就撫
國軒兵詞以謝啟聖又設修未館懸重賞海上文
武兵將來者次第俱賞銀有差降者日數百人時
諸軍缺糧國軒一切不禁頭領與兵下長髮與短
髮住來循環而國軒兵額亦不缺

十一月吳淑守版尾寨清兵築壘環攻炮殺日夜
不息淑處之晏如身被傷沒染病不以為意時值
陰雨新築垣壘多壞揮左右避之自踞東而卧初
八夜二更牆傾墜死昇至思明世藩親臨哭之以
其次子吳天駟為建威左鎮統其兵

十二月姚啓聖吳興祚大集舟師攻廈門題請浙粵
水師尅期協攻世藩調各洋船私船配兵北上以
右武衛林陞為總督左虎衛江勝樓船右鎮朱文
天貴為左右副總督率諸軍禦之

庚申康熙十九年

正月水師提督萬正色督舟師出閩安鎮撫院吳興
祚率兵沿海援之林陞分船三十艘守海壇自統
船六十艘泊泉州臭塗灣

二月萬提督至海壇海船俱退至泉州迎敵萬提督
至圍頭朱元貴以七船衝其鋒所向無前俄海風

大作萬提督乘風收拾各船入泉州港而沿海岸
上安炮陸師防守海上各船無所所乃退至金門
世藩所親幸施福密通姚總督欲為內應使投降
兵數百人挈眷來歸乘機欲舉事國軒謀知啟藩
收殺之併及施齊福即施亥齊施將軍長子

世藩議欲撥國軒兵三千配小船直入泉州港攻
萬提督使又持令箭抽兵時兵已久無糧盡皆退
潰國軒禁不能止海澄守將陳昌以城降清國
軒至廈門知勢不可為收拾餘衆下船百姓遮道

攀留

廿六日兵變擄掠世藩演武亭行營盡率諸將登舟
協理五軍吳桂聚散卒據廈門以行 清兵

廿八日萬提督兵入思明州

二十九日世藩至澎湖朱天貴守泊銅山姚總督招
之遂投誠

三月十二日世藩回至東寧

五月東寧地有聲如驢鳴羊路店兩處火如鷄子

六月總制陳永華晝坐見有衣冠甚偉者自稱行次
使者欲借其衙署約三個月然後去永華誕設席
張樂譙之與之談甚久餘人不見也即封衙署借

之

承天府緒生四耳三目前二足向上

金田一甲出丁壯一名

七月陳永華病故

十月劉國軒營中豬生子獸身人面

十一月白氣長數丈見于西方

辛酉 康熙二十年

正月二十八日丑時世藩殂於承天府行臺

三十日馮范劉國軒調兵駐承天府會六官議立嗣

董太妃與諸公子收監國印克壘不肯與擁兵自

衛公議以克壘乃乳母抱養之子非親血脉乃縊殺之妻陳氏亦自殺永華之女

二月初一日董太妃率世子克塽登位時年十二歲錫范之婿百官朝賀畢太妃起出位諭所以誅監國故以世子附托馮劄等佐竭力匡扶涕淚沾襟衆心大慰

以馮錫范為忠誠伯劄國軒晉武平侯國軒初以海澄公功封武平伯至此封侯

大赦國中

以二公子聰為輔政公領護衛

三月以五公子智為右武驤將軍募兵

四月以三公子明為左武驤將軍募兵

五月總督姚巡撫吳陸提諸水總萬題為報明事本

年四月廿一日據舉人黃金從呈繳偽官傳為霖

家稟內開偽藩于正月廿八日病故三十日縊死

其監國長子欽舍二月初二日立泰舍叔姪相猜

文武解体主幻國虛時不可失等情到臣等又據

龍溪縣送到偽官廖康方稟稱相同俱與臣等密

探相符此乃天亡之時但臺灣孤懸海外統師遠

勅時地難測非臣等所敢擅定會同具題請

密示臣等遵奉施行

六月十六日董太妃薨時協理刑官柯平已病故陳
繩武聞住國事錫范主之兵事國軒主之

八月廿八日中軍營火

九月初三日塗輕庭火

十月宿客司傅為霖通清事發逃亡廿八日獲之

十一月初一日誅傅為霖及同謀宣毅左鎮高壽都
吏陳國威盡殺其子弟績順公沈瑞令自經家屬
入官發配禮官斌之女

總督姚上疏請攻臺灣力荐內大臣伯施張可任水

師提督萬言臺灣難攻且不必攻朝命召見施琅
仍以靖海將軍充水師提督改萬正色為陸師提
督代諸邁

壬戌康熙二十一年

正月施將軍出京至閩于廈門各處調兵修船劉國
軒以銳船十九歸戰船六十餘歸兵六千人撥諸
將守澎湖身往來督視

五月姚總督率官兵至銅山候風

劉國軒至澎湖臺灣列兵至銅山候風守各港灣

六月姚總督官兵回汛

七月國軒歸自澎湖安平鎮火

施將軍題請專位征奉 旨相機進取

十月歲饑

十一月國軒至澎湖

十二月承天府火災沿燒一千六百餘家米價騰貴

民不堪命國軒歸自澎湖

癸亥康熙二十二年 海上仍稱永曆三十七年

正月馮錫範偕兵鹿耳門

二月米價大貴人民飢死甚多

五月劉國軒率師至澎湖

六月十四日施將軍自銅山開船大小五百餘歸姚
總督撥陸兵三千隨征十五日到八罩

十六日進攻澎湖國軒列架炮巨艦數十以待諸將
皆望而遠巡惟提標藍理曾成張勝正黃旗侍衛
吳啟爵同安游擊趙邦試海壇游擊許英銅山遊
擊阮欽為七船冒險深入鏖戰海艘齊出已圍施
將軍恐數船有失急將坐駕衝入內外攻擊敵稍
却將軍遂同七船隨流而出時天色將晚遂在西
嶼頭洋中拋泊十八早舟次于八罩以收諸軍國
漸聞而喜曰誰誰施琅能軍天時地利莫之能識

諸君但飲酒以坐觀其敗耳蓋澎湖六月數起颶
風無三日晴朗而近澎諸島下有老石槎朽若銑
樹削利無比凡泊舟下扎遇風起立決而颶乘莫
不危之然停泊數日浪靜風恬亦天幸也十八早
移至虎井施將軍乘小舟于內外壑峙間窺覘形
勢于是再申軍令嚴明賞罰命總督陳蟒等領船
五十艘泛東畔峙內直入四角山又令總兵董義
等填船五十艘泛西畔內壑直入牛心灣以為疑
兵示以若欲登岬者將軍自率諸鎮將帥者大烏
船三十六艘居中分為八般排入餘船以次而進

以為後援指畫既定俟風而舉二十二日巳刻南風大發南流湧起遂下令揚帆聯進風利并快瞬息飛駛居上流上風之勢擊攻擠擊一可當十又多用火器火船乘風縱發炯炯弥天海舟相沿燒燬殆盡國軒見勢蹙難支遂乘小舟從北面孔門逸去而全軍覆沒矣是役也惟前鋒林賢朱天貴二船初入洶湧天貴倏中炮而死林賢被傷兩箭餘諸軍皆無恙國軒敗回羣情洶，魂魄俱奪惟有束手待斃而已于是施將軍駐師澎湖休勞士卒收拾船隻為進取臺灣之計下令戮一降卒抵

死諸島投戈者數千人皆厚恤之有欲歸見妻子者令小船送之降卒相謂曰軍門向我白骨矣死難報也歸共傳述之臺灣民衆莫不解體歸心惟恐王師之不蚤來也世子克塽與錫范國軒泣相謂曰民心既散誰與死守浮海而逃又無生路惟有求撫之者耳于是遣鄭平英林惟榮曾蜚朱紹熙賚乞撫書表于閏六月初八日至軍前且求聽諸臺灣將軍曰削髮登岬煌，明旨也何故不遵且若軍不親到軍門遣代書表詐也為緩兵計耳復令曾蜚朱紹熙面諭之

七月十五日世子復遣馮錫珪陳夢煒劉國昌馮錫
韓同曾輩朱紹熙再至軍前一遵教令焉

明寧靖王術桂袞冕拜告祖宗從容投縋死于是
將軍令侍衛吳啟爵及筆帖式常在同馮錫環等
前經臺灣宣布德意且密察海上虛實情形侍衛
于七月十九夜再至安平鎮翼日見世子克塽謂
之曰足下退居島嶼原與三王不同三王謂吳啟
尚也三王國家叛臣也罪在不貲足下三世仗義
于海澨亦人之所難也今若向代歸德使海宇廓
清朝廷必有格外殊恩當不失爵祿也克塽曰侍

召意及宗祐敢不唯命是聽見國軒曰澎湖之後
天也非人也君今雖挫衄以歸而雄邁之風不衰
島上之英傑惟君一人耳然所謂英傑者在識時
務今大師臨門或戰或降決之一心足矣何必遲
延觀望致誤大計耳國軒曰天威遠震波臣草面
誰敢復有異志侍君但安坐以待必得約契以報
軍門也蓋臺灣世子年幼內政馮錫范主之外政
劉國軒主之錫范庸懦墜子進退無據故相持
未決馬侍衛復謂國軒曰築舍之謀終無成日但
君令兵民遵制剃髮則大事可定矣國軒曰謹奉

教遂下令兵民剃髮錫范亦遂與世子遵繼冊印
而舉國納歸烏侍衛回報將軍將軍喜曰不待勞
師而傾國効順 朝廷之福也即令侍衛馳驛入
奏并繳歸誠冊印

九月初六日侍衛至京 朝廷召見特加慰勞因問
澎湖克捷事情侍衛披圖指畫條言渡海艱難藍
理等冒險進攻凡兩舉而凌得之又言諸將士冒
刃用命摧鋒血戰之苦 朝廷為之揮淚因 諭
部臣閩師遠出海疆冒險勦寇非滇黔陸地可比
論功再加一等 朝廷又問臺灣事對曰臣至其

地視偽主，幼未諳事，國事盡委于馮錫範、劉國軒。錫範懦而無斷，低徊猶豫，其寔無能為也。劉國軒傾心歸命，挾以必從之勢，故臣得畢其事而歸。又問臺灣形勢，侍衛條對甚悉。問提督重兵入險，有虜否？對曰：海上既敗之衆，莫與共命者，但恐總督後至，彼或議論不一，搶掠而逃，苦害朝廷之百姓耳。謂其煙臂敢推拒，轍必無之理。上悅，因解所御龍袍并賦詩以賜提督，加授靖海之將軍，封為靖海侯，世襲，以示酬庸焉。

八月十五日，施將軍統率大師至臺灣，百姓壺漿相

繼于路海兵皆預製 清朝旗號以侍克換等以
次出謁皆謝不殺之恩將軍俱禮遇之

十月十七日 侍衛自京回至軍前卽 命申告軍
民莫不加額焉

部議以臺灣番民雜處山海要津設總兵一員副將
二員統水陸官兵一萬各鎮守之又設道官一員
一府三縣以統治百姓及番民衆府曰臺灣府附
郭為臺灣縣南路為鳳山縣北路為諸羅縣建置
既定經畫事竣

十一月初六日世子馮錫范劉國軒何祐等併春口

登舟十一月初六日至泉州初七日往福省進京
十二月總督姚啟聖病死

克塽至京封為漢軍公弟克舉准開牛录叔鄭聰
等俱以三品五品官食俸隨旗馮錫範劉國軒俱
封伯國軒隨補天津衛總兵其子准開牛录

自丁亥永曆元年起至癸亥永曆三十七年止海
上始末俱在于此以脩採擇焉

取臺灣一節行文多以敘事兼議論而又多載諸
人口中語與本錄是兩樣筆今兩存之可也但于
癸亥年下當增註清漳唐氏刪補庶不相混耳